



# **Phosphorvs sive Ioannes Baptista nativitas, vita, mors**

**Cabilliau, Baudouin**

**Lovany, 1642**

Elegia 6. Herodiadi saltatrici offert Rex regii sui dimidium, cui præfert  
caput Ioannis in disco. Ad Herodiadem.

---

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

Scilicet ira tenax odii cædisque libido,  
 Cor adamantæo durat ad arma gelu.  
 Noxia vox iuro: sed adhuc magè noxius error.  
 Dat sceleri causam vox; scelus error agit.  
 Nonne quod adiurat per sceptræ suasque coronas  
 Crimen, adhuc alio crimine prædo luit?  
 Ast animo nolente volens, tamen impulit ensẽm  
 In scelus, innocuus quem benè tardat amor.  
 Plumea dos regis fauor est, vis plumbea liuor.  
 Auolat ille, nocens pondus hic vsque grauat.  
 O caput infidum! fidei spes ecqua superstit:  
 Perfidiã maius si scelus ipsa fides?  
 (a) *Scinis crudelis prædo, qualis Rex Herodes  
 fratri suo Philippo, cuius uxorem rapit.*

## Elegia 6.

Herodiadi saltatrici offert Rex regni  
 sui dimidium, cui præfert caput  
 Ioannis in disco.

## AD HERODIADEM.

**T**hyrsus ouans folijs & tæda reuincta corollis,  
 Cum Bromio, & Como gaudia sæua parant;  
 Est tamen infidõ fraus hic magè noxia thyrsõ.  
 Est quoque plus omni quod face corda coquat.  
 Ecce, venit blandum meditata læna furorem,  
 Quam peperit diro fœta Megæra sinu,  
 Quæ nanti pede radit humum, terit, aufugit, vrget,  
 Excutit, adsultat, tangit, aderrat, abit.  
 Sollicitatque solum stricto pede, & obuia passim,  
 Statque, fugitque, pares iungit & inde manus,  
 Liberat, & librat volucris vestigia raptu,  
 Et similis rapido vertitur inde globo.  
 Vt stetit illa: leui pretium graue leno labori  
 Adstruit, & duplo pignore diues ait:  
 Elige. stat caput hinc; capiti micat inde corona:  
 Hinc gladium; sceptrum si lubet, inde ferēs.

Squallidus

Squalidus hinc carcer, vocat inde sed aula metallo  
 Splendida, quam dispar munus viximque manet!  
 Haud dubium malis terrâ præ tabe riarum:  
 Quid tibi cum tabo, dos cui munda nitet?  
 Regia virgato fac, purpura floreat auro,  
 Et premat augustum clara corona caput.  
 Sed caput in discò maus, præ mille coronis.  
 Quid furor est; si non ista cupido furit?  
 Vnde sed innocui tam dira libido cruoris?  
 Ieiunis caput hoc Vrsa voras oculis.  
 O quas delicias facit almus Erinnydi sanguis,  
 Cælite quem pavit nectare dius Amor!  
 Tocula quis sicca non præferat ista coronæ,  
 Et caput hoc regno carius esse neget?

Elegia 7.

Saltatriculæ è ludo serium scelus.

**G** Audia securo Comus ducebat Iaccho,  
 Lux vbi natali sidere læta fauet.  
 Atra sed inuoluit tranquillo sidera cælo,  
 Erumpens Stygio dira procella lacu.  
 Sed cui ver prætexat hiems infida serenum,  
 Ac vbi ludit hymen; lædat vt Hydra, furor?  
 Cui sexus viret Euganeo vel mollior agno,  
 Heu! agit immitem blanda puella feram.  
 Ludit, at insanas ludo Charis aspeerat iras,  
 Adiuratque truces insidiosa minas,  
 Insuper in sæuos acuit, sua tela furores;  
 Vt pede sat lusit; demeret ense caput,  
 One vel digito tangas caput altius astris;  
 Clamabat Pietas, sed manus ausa scelus.  
 Cum pede quid capiti? volucris lupa concita saltu,  
 Stare caput collo cur vetat ergo suo?  
 An! quia fert castum caput agnus, & indicat agnum?  
 Lubricus incestæ pes nequit ire lupæ?  
 Sed terror vox casta lupæ, cæcoque furori  
 Fax inuisa, reo clara lucerna toro est.

R

Sideream